

Lida,

26. XI. 1924

R. 2. XII —

Vere Honorato Domino Professore  
et Caro Praesidente,

Multo et cordiale gratias pro vostro benevolente  
pretioso auxilio que vos tribue ad me. Omne  
recepto libro et periodico habe grande valore pro  
me, tanto plus grande quod illos contine vostro  
notitias. Articulos de vetere chauvinista de Beau-  
front, publicatos in "Mondo", appare ad me  
multo ridiculo; me puta quod meliore es tace  
et non disputa cum cane que morde et que  
ipso ~~es~~ nullo auctoritate in linguistica.

Me collige nunc manuscriptos pro No 3 de "R.U."  
me publica ibi breve articulo contra Beaufront.

1. decembre a. c. me transmittite ad vos, per  
medio de Ate G. de Kolovrat in Nicea, pecunia  
pro publicatione de No 3 de "R.U." (Januario)

Circulare de Apt pote es publicato ut appem  
dice speciale, addito ad "R.U."

Conscio Voirol procura ad me per medio de  
librario Jules Meyrial, boul. Hausmann, Paris  
"Histoire de la Langue Universelle" de Conturat  
& Leau (pretio 80fr.!) ergo me vol retromitte

exemplare de dicto opusculo recepto ab  
Prof. Agosto Berro, Cuneo.

Prof. M. M. Kozionki scribe ad me quod  
Comitio de Professores de Facultate Philosophica  
non approba fundatione de Cathedra  
pro Interlingua - nos debe ergo propaga  
l. s. fl. per "R. U." et per manuale practico  
nec non per vocabulario que me vol praepa-  
ra in proximo tempore.

Reiterato gratias pro pretio auxilio  
salutationes cordiale et expressiones de  
alto respectu

ab vostro sincero devoto

Jexierski

P.S.

Me precia vos - Honorato Praesidente - ut vos  
jube ad typographia Foa ut illo mitte ad me  
decem copias de "R. U." N. 2. sub banderolla speciale,  
nam manipulatione in officio de dogano  
es longo.